



Z A P I S N I K

6. sjednice Bošnjačkog nacionalnog vijeća u Republici Srbiji Novi Pazar, Glavni ured Vijeća, 11.05.2020. godine, 14:00h

PREDSJEDAVAJUĆI: dr. Jasmina Curić – predsjednica Vijeća

PRISUTNI: dr. Sulejman Ugljanin, Salih Hot, Vasvija Gusinac, Muhedin Fijuljanin, dr. Jasmina Curić, Eldin Jejna, Behija Hadžić, Minela Kalender, prof. dr. Hasim Mekić, prof. dr. Fahrudin Mavrić, Selma Kučević, dr. Fuad Bačićanin, Esad Rahić, Indira Gicić, dr. Nadir Dacić, prof. dr. Sait Kačapor, dr. Dženeta Bogućanin, Elvir Eminbegović, dr. Mudžahid Muderizović, prof. dr. Admir Muratović i Edin Đerlek.

ODSUTNI: Esad Džudžo, dr. Muamer Zukorlić, prof. dr. Jahja Fehratović, prof. dr. Misala Pramenković, prof. dr. Enver Gicić, prof. dr. Amela Lukač Zoranić, Zaim Redžepović, Sabahudin Hajdarević, Jasmina Nikšić, Fadil Nikšić, Atifa Šaljić, Ismet Bihorac.

OPRAVDANO ODUSTNI: Hamza Halitović

Predsjedavajuća je otvorila sjednicu Vijeća te je na samom početku uz pomoć potpredsjednika Vijeća, dr. Fuada Bačićanina, prozivkom utvrdila da sjednici Bošnjačkog nacionalnog vijeća u Republici Srbiji prisustvuje 21 član, odnosno vijećnik, te da ima kvorum da punovažno radi i odlučuje.

U materijalu za saziv 6. sjednice vijećnici su dobili uvjerenje Republičke izborne komisije kojim se potvrđuje da je Mirfat Tahirović, diplomirani inženjer građevine iz Tutina, izabran za člana Bošnjačkog nacionalnog vijeća u Republici Srbiji sa Izborne liste „Samoopredjeljenje – dr. Sulejman Ugljanin“.

Konstatovano je da Mirfat Tahirović prisustvuje sjednici i da 6. redovnoj sjednici Bošnjačkog nacionalnog vijeća u Republici Srbiji čime je utvrđeno da prisustvuje 22 člana, odnosno vijećnika, te da ima kvorum da punovažno radi i odlučuje.

U skladu sa članom 36. Poslovnika pristupilo se usvajanju zapisnika sa 5. sjednice Bošnjačkog nacionalnog vijeća u Republici Srbiji od 19. decembra 2019. godine.

Predsjedavajuća je pozvala vijećnike da ukoliko imaju primjedbe na Zapisnik sa 5. sjednice Vijeća održane 19. decembra 2019. godine, da ih iznesu.

Pošto se niko nije javio za riječ te nije bilo primjedbi na zapisnik predsjedavajuća je stavila prijedlog Zapisnika sa 5. sjednice Vijeća održane 19. decembra 2019. godine, na glasanje.

Za usvajanje Zapisnika sa 5. sjednice Vijeća održane 19. decembra 2019. godine, **20 vijećnika glasalo je ZA, PROTIV nije bilo, UZDRŽANIH nije bilo**, od ukupno 22 prisutnih vijećnika.

Predsjedavajuća je konstatovala da je Zapisnik sa 5. sjednice Bošnjačkog nacionalnog vijeća u Republici Srbiji 19. decembra 2019. godine, – **USVOJEN**.

Predsjedavajuća je prisutnima pročitala prijedlog Dnevnog reda koji su vijećnici dobili u materijalu za sjednicu i to:

1. Potvrđivanje Odluke Izvršnog odbora Vijeća o usvajanju završnog računa BNV-a za 2019. godinu (broj 323-09/2020 od 08.05.2020. godine);
2. Potvrđivanju Odluke Izvršnog odbora Vijeća o razrješenju i imenovanju članova odbora Bošnjačkog nacionalnog vijeća (broj 326-09/2020 od 08.05.2020. godine)
3. Usvajanje Finansijskog plana Bošnjačkog nacionalnog vijeća u Republici Srbiji za 2020. godinu.

Predsjedavajuća je konstatovala da na osnovu člana 33. Poslovnika Vijeća, a na osnovu izvještaja stručnih službi Vijeća, a u skladu sa Poslovnikom Vijeća, pristigao prijedlog za dopunu dnevnog reda.

- Konstatovanje ispunjenosti uslova za prestanak mandat članu Vijeća dr. Muameru Zukorliću, iz Novog Pazara na koji je izabran sa izborne liste „Matica bošnjačka – akademik Muamer Zukorlić muftija“.

Pošto predlagač nije tražio riječ za obrazlaganje dopune dnevnog reda, predsjedavajuća je pozvala prisutne vijećnike, ukoliko imaju, da predlože dodatne dopune dnevnog reda.

Pošto nije bilo drugih prijedloga za izmjenu i dopunu dnevnog reda, predsjedavajuća je stavila na glasanje prijedlog za dopunu dnevnog reda, i to:

- Konstatovanje ispunjenosti uslova za prestanak mandata članu Vijeća dr. Muameru Zukorliću, iz Novog Pazara na koji je izabran sa izborne liste „Matica bošnjačka – akademik Muamer Zukorlić muftija“.

Za usvajanje dopune dnevnog reda 6. sjednice Vijeća, **20 vijećnika glasalo je ZA, PROTIV i UZDRŽANIH nije bilo**, od ukupno 22 prisutnih vijećnika.

Predsjedavajuća je na osnovu člana 37. Poslovnika Bošnjačkog nacionalnog vijeća **konstatovala** da je prijedlog dopune dnevnog reda uvršten u prvobitni prijedlog dnevnog reda.

Pošto nije bilo drugih prijedloga za izmjenu i dopunu dnevnog reda, predsjedavajuća je pročitala još jednom dopunjeni prijedlog dnevnog reda i isti stavila na glasanje, i to:

1. Potvrđivanje Odluke Izvršnog odbora Vijeća o usvajanju završnog računa BNV-a za 2019. godinu (broj 323-09/2020 od 08.05.2020. godine);
2. Potvrđivanju Odluke Izvršnog odbora Vijeća o razrješenju i imenovanju članova odbora Bošnjačkog nacionalnog vijeća (broj 326-09/2020 od 08.05.2020. godine);
3. Usvajanje Finansijskog plana Bošnjačkog nacionalnog vijeća u Republici Srbiji za 2020. godinu;
4. Konstatovanje ispunjenosti uslova za prestanak mandat članu Vijeća dr. Muameru Zukorliću, iz Novog Pazara na koji je izabran sa izborne liste „Matica bošnjačka – akademik Muamer Zukorlić muftija“.

Za usvajanje Dnevnog reda 6. sjednice Vijeća, **20 vijećnika glasalo je ZA, PROTIV i UZDRŽANIH nije bilo**, od ukupno 22 prisutnih vijećnika.

Predsjedavajuća je na osnovu člana 37. Poslovnika Bošnjačkog nacionalnog vijeća konstatovala da je za 6. sjednicu Bošnjačkog nacionalnog vijeća u Republici Srbiji usvojen sljedeći:

DNEVNI RED

1. Potvrđivanje Odluke Izvršnog odbora Vijeća o usvajanju završnog računa BNV-a za 2019. godinu (broj 323-09/2020 od 08.05.2020. godine);
2. Potvrđivanju Odluke Izvršnog odbora Vijeća o razrješenju i imenovanju članova odbora Bošnjačkog nacionalnog vijeća (broj 326-09/2020 od 08.05.2020. godine);
3. Usvajanje Finansijskog plana Bošnjačkog nacionalnog vijeća u Republici Srbiji za 2020. godinu;
4. Konstatovanje ispunjenosti uslova za prestanak mandat članu Vijeća dr. Muameru Zukorliću, iz Novog Pazara na koji je izabran sa izborne liste „Matica bošnjačka – akademik Muamer Zukorlić muftija“.

Prva tačka dnevnog reda sjednice: Potvrđivanje Odluke Izvršnog odbora Vijeća o usvajanju završnog računa BNV-a za 2019. godinu (broj 323-09/2020 od 08.05.2020. godine);

Na osnovu člana 14. Statuta Bošnjačkog nacionalnog vijeća obaveza je Vijeća da skladu sa zakonom i svojim Statutom, preko svojih organa samostalno donosi završni račun za 2019. godinu. Također na osnovu člana 7. stav 6. Zakona o nacionalnim savetima nacionalnih manjina i u skladu sa članom 42. stav 2. i člana

61. stav 1. Statuta Bošnjačkog nacionalnog vijeća Vijeće može povjeriti Izvršnom odboru odlučivanje o pojedinim pitanjima iz ovlaštenja Vijeća.

Odluke koje se na ovaj način povjere Izvršnom odboru, podliježu odobravanju na prvoj narednoj sjednici Vijeća i odobrene su ako za njih glasa više od polovine članova Vijeća. Ako Vijeće ne odobri odluku Izvršnog odbora, Izvršnom odboru prestaje mandat, a odluka ostaje na snazi.

Predsjedavajuća je otvorila raspravu po prvoj tački dnevnog reda.

Niko od prisutnih vijećnika se nije javio za riječ.

Predsjedavajuća je stavila na glasanje Potvrđivanje Odluke Izvršnog odbora Vijeća o usvajanju završnog računa BNV-a za 2019. godinu (broj 323-09/2020 od 08.05.2020. godine);

Za usvajanje druge tačke dnevnog reda – Potvrđivanje Odluke Izvršnog odbora Vijeća o usvajanju završnog računa BNV-a za 2019. godinu (broj 323-09/2020 od 08.05.2020. godine) – **20 vijećnika glasalo je ZA, PROTIV 2, UZDRŽANIH nije bilo**, od ukupno 22 prisutnih vijećnika.

Predsjedavajuća je **konstatovala** da je Potvrđena Odluka Izvršnog odbora Vijeća o usvajanju završnog računa BNV-a za 2019. godinu (broj 323-09/2020 od 08.05.2020. godine).

Druga tačka dnevnog reda sjednice: Potvrđivanje Odluke Izvršnog odbora Vijeća o razrješenju i imenovanju članova odbora Bošnjačkog nacionalnog vijeća (broj 326-09/2020 od 08.05.2020. godine);

Članom 14. Statuta propisano je da Vijeće bira i razrješava predsjednika i potpredsjednike Vijeća, predsjednika i članove Izvršnog odbora Vijeća, predsjednika i članove odbora Vijeća, članove Savjeta Vijeća i članove stalnih i povremenih radnih tijela Vijeća, a u skladu sa članom 42. stav 2. Statuta Vijeće može povjeriti Izvršnom odboru odlučivanje o pojedinim pitanjima iz ovlaštenja Vijeća.

Kako su odbori važan dio rada Vijeća predlog je da se Izvršnom odboru poveri pravo da donese odluku o razrješenju i imenovanju članova odbora Vijeća zbog neophodnosti brzog popunjavanja upražnjenih članova odbora Vijeća.

Odluke koje je tako donio Izvršni odbor podliježu odobravanju na prvoj narednoj sjednici Vijeća i odobrene su ako za njih glasa više od polovine članova Vijeća.

Predsjedavajuća je otvorila raspravu po drugoj tački dnevnog reda.

Niko od prisutnih vijećnika se nije javio za riječ.

Predsjedavajuća je stavila na glasanje Potvrđivanje Odluke Izvršnog odbora Vijeća o razrješenju i imenovanju članova odbora Bošnjačkog nacionalnog vijeća (broj 326-09/2020 od 08.05.2020. godine);

Za usvajanje druge tačke dnevnog reda – Potvrđivanje Odluke Izvršnog odbora Vijeća o razrješenju i imenovanju članova odbora Bošnjačkog nacionalnog vijeća (broj 326-09/2020 od 08.05.2020. godine) – **20 vijećnika glasalo je ZA, PROTIV 2, UZDRŽANIH nije bilo**, od ukupno 22 prisutnih vijećnika.

Predsjedavajuća je **konstatovala** da je Potvrđena Odluka Izvršnog odbora Vijeća o razrješenju i imenovanju članova odbora Bošnjačkog nacionalnog vijeća (broj 326-09/2020 od 08.05.2020. godine).

Treća tačka dnevnog reda sjednice: Usvajanje Finansijskog plana Bošnjačkog nacionalnog vijeća u Republici Srbiji za 2020. godinu.

Na osnovu člana 40. i člana 42. Statuta Bošnjačkog nacionalnog vijeća Izvršni odbor Vijeća je donio Odluku o utvrđivanju prijedloga Finansijskog plana Bošnjačkog nacionalnog vijeća u Republici Srbiji za 2020. godinu. Prijedlog plana vam je dostavljen uz saziv i materijal za ovu sjednicu.

Pravni osnov za donošenje ove odluke sadržan je u članu 112. Zakona o nacionalnim savjetima nacionalnih manjina i na osnovu člana 14. statuta Bošnjačkog nacionalnog vijeća u Republici Srbiji.

Predsjedavajuća je otvorila raspravu po drugoj tački dnevnog reda.

U raspravi su učestvovali vijećnici dr. Fuad Bačićanin, prof. dr. Admir Muratović i Edin Đerlek.

Predsjedavajuća je stavila na glasanje usvajanje Finansijskog plana Bošnjačkog nacionalnog vijeća u Republici Srbiji za 2020. godinu.

Za usvajanje treće tačke dnevnog reda – Finansijskog plana Bošnjačkog nacionalnog vijeća u Republici Srbiji za 2020. godinu – **20 vijećnika glasalo je ZA, PROTIV 2, UZDRŽANIH nije bilo**, od ukupno 22 prisutnih vijećnika.

Predsjedavajuća je konstatovala da usvojen Finansijski plan Bošnjačkog nacionalnog vijeća u Republici Srbiji za 2020. godinu.

Četvrta tačka dnevnog reda sjednice: Konstatovanje ispunjenosti uslova za prestanak mandat članu Vijeća dr. Muameru Zukorliću, iz Novog Pazara na koji je izabran sa izborne liste „Matica bošnjačka – akademik Muamer Zukorlić muftija“..

Predsjedavajuća je obavijestila vijećnike da je pravni osnov za donošenje ove odluke sadržan u članu 41. stav 2. tačka 3. Zakona o nacionalnim savjetima nacionalnih manjina, kao i članu 11a. stav 2. tačka 3. i stav 5 i člana 14. stav 1. tačka 23. Statuta Bošnjačkog nacionalnog vijeća u Republici Srbiji i člana 57. i člana 73. stav 2. tačka 3. i stav 5. Poslovnika Bošnjačkog nacionalnog vijeća u Republici Srbiji.

Članu nacionalnog vijeća mandat traje koliko traje mandat nacionalnog saveta u koji je izabran, također, članu nacionalnog vijeća, vijećniku, mandat prestaje pre isteka mandata nacionalnog vijeća u koji je izabran ako duže od godinu dana ne prisustvuje sjednicama nacionalnog vijeća.

Prestanak mandata članu nacionalnog saveta konstatuje nacionalni savet na prvoj narednoj sjednici nakon prijema obavještenja o nastupanju razloga za prestanak mandata.

Pošto se radi o konstatovanju ispunjenosti uslova za prestanka mandata vijećnika prije isteka mandata nacionalnog vijeća, o čemu se ne otvara rasprava, predsjedavajuća je pozvala vijećnike da glasanjem konstatuju prestanak mandata članu Vijeća dr. Muameru Zukorliću, iz Novog Pazara koji je izabran sa izborne liste „Matica bošnjačka – akademik Muamer Zukorlić muftija“.

Za usvajanje četvrte tačke dnevnog reda – Konstatovanje prestanka mandata vijećniku dr. Muameru Zukorliću – **20 vijećnika glasalo je ZA, PROTIV nije bilo, UZDRŽANIH nije bilo**, od ukupno 22 prisutnih vijećnika.

Predsjedavajuća je zaključila da je Bošnjačko nacionalno vijeće u Republici Srbiji konstatovalo prestanak mandata vijećniku dr. Muameru Zukorliću.

Predsjedavajuća je konstatovala da je ovim iscrpljen Dnevni red 6. (šeste) redovne sjednice Bošnjačkog nacionalnog vijeća u Republici Srbiji i sjednicu proglasila završenom i istu zatvorila.

NAPOMENA 1: Sjednica je završena u 14:45 h.

NAPOMENA 2: Zapisnik je sačinjen na 6 (šest) strana.

Novi Pazar, 07. septembar 2020. godine

Broj: 615-15/2020

P R E D S J E D A V A J U Ć A

Dr. Jasmina Curić



SEKRETAR VIJEĆA

Mirza Hajdinović
Mirza Hajdinović